



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Tribvs Dagobertis Francorvm Regibvs Diatriba  
Godefridi Henschenii E Societate Iesv**

**Henschenius, Godefridus**

**Antverpiae, 1655**

II Epochा veterum Francorum per annos Regum distincta; non Pontificum Romanorum, Imperatorum externorum aut Indictionum. Epochа eadem characteribus historicis in progenitoribus Dagoberti I firmata.

**urn:nbn:de:hbz:466:1-9599**

LIB. I. DAGOBERTVS I.

est. Eodem modo auctor Vitæ S. Audoëni, qui circa an.  
Chr. nongentesimum videtur vixisse, ac dein Fridegodus  
Poëta, qui circa annum 1000 metrico eam stylo ver-  
tit, appositis Christi annis. Epocham Regum Francorum  
ad xi aut xii annos præuenientes, Chronologiam interuer-  
tunt. Similia sæpe in opere nostro de Vitis Sanctorum no-  
tata reperiet lector: nosque infrà nonnulla attingemus. Qui-  
bus non accuratè obseruatis, plures è recentioribus histo-  
ricis suos Annales ac Chronica neutiquam appositi diges-  
ferunt.

I I

*Epocha veterum Francorum per annos Regum di-  
stincta; non Pontificum, Imperatorum exter-  
norum, aut Indictionum. Epochæ eadem cha-  
racteribus historicis in progenitoribus DAGO-  
BERTI I firmata.*

**N**On h̄c disquirimus, quæ à variis nationibus, præter  
iam indicatas, olim Æra aut Epochæ annorum adhibi-  
ta fuerit. Antiquitatem historicam Francorum, quæ ad pro-  
positam quæstionem sola facit, spectamus. Hanc ab vetu-  
stioribus aliquot Chronicis auspicatur Chesnæus: è quo-  
rum auctoribus Idatius Olympiadas atque Imperatorum  
annos potissimum adnotauit. Prosper Aquitanus in Chro-  
nico priore, quod Petrus Pithœus olim edidit, solùm an-  
nos Imperatorum exprimit: in altero verò Chronicō, Eu-  
sebij & Hieronymi Chronicis subnecti solito, singulos an-

B

nos

nos propriis Consulibus distinguit. Hoc Prosperi Chronicon excipit Marius Episcopus Auenticensis, qui initio solos Consules numerat, quibus à Maximo Consule, id est, anno Christi 10XXIII, adiungit Indictiones in antiquo Codice, qui apud nos extat. Gregorius Turonensis dum libro primo Historiæ Francorū atque initio secundi, tempora ea pertractat, quibus Imperatores Romani rerum adhuc in Galliâ potiebantur, res gestas, ad eorumdem Imperatorum Epocham ordinatas, per sua tempora distribuit; recensitis etiam Consulibus Romanis, quos ad annum obitus S. Martini accuratiū obseruatos repererat. Deinde verò, postquam Imperio Romano è Galliis eliminato, regnum ibidem Francorum stabilitum est, solum suorum Regum annos obseruunt, qui dein primi res Francicas litteris tradidere, Gregorius idem, Fredegarius, Fortunatus, Audoenus, Vrsinus, aliquique Vitarum Sanctorum scriptores coæui, eosque imitati monachus S. Dionysij in gestis DAGOBERTI I, & Aimoinus suprà memorati.

At Romano Imperio ad Carolum Magnum eiusque posteros delato, Franci cum nomine Imperatorum usum Indictionum, quibus Romani assueuerant, etiam suscepérunt, quas diplomata Ludouici Pij & sequentium Imperatorum passim exhibent. Posteri ergo cum viderent historias, suorum maiorum temporibus conscriptas, & priorum Regum diplomata, hisce Imperatorum & Indictionum notis, velut insigni ornamento, carere, ipsi suo calculo, saepe inepto, suppleuere. Trithemius, cum appositis Indictionibus priscorum Regum annos validè firmatum iri censeret, eas suæ chronotaxi aptauit. Ita in Historiâ Francorum ab eo digestâ, anno Christi 10CLXV, Indictione VIII, DAGOBERTVS I è vitâ excessit; & anno 10CLXXXI, Indictione IX, Chlodoveus II: idque

idque circiter xx annorum aberratione: quâ in compendio libri primi Annalium quadantenùs emendatâ, mortuus dicitur DAGOBERTVS anno 10CXLV, Indictione III, & Chlodoneus II anno 10CLXII, Indictione V. Eadem ratione in aliis Regibus erratum ab eo aliisque. Chlodoneus II in Chronicô Moissiacensi post DAGOBERTI decepsum, regnum patris adscivit, anno ab Incarnatione 10CXLII, Indictione IV: moritur verò, regnauitq; filius eius Chlotharius pro eo, anno ab Incarnatione Christi 10CLVIII, Indictione II. Quæ omnia, aliaque quâ plurima, licet Indictionibus additis videantur solidata, infrà subruemus.

Facilius se error prodit in annis Pontificum Romanorum adscriptis, cùm neque ea consuetudo facilè probetur apud antiquiores scriptores vñtata, & menda adeò enormia inspersa sint, vt auctoribus coœuis nequeant attribui. S. Martinus Papa, qui Theodoro anno 10CXLVII vitâ functo successit, passim coniungitur cum DAGOBERTO I, qui anno 10CXLIV mortuus. Imò Chronicî Gandensis Scriptor remannum xiv DAGOBERTI & v Martini Papæ in Christi 10CX coniecisse suprà diximus.

Hanc ergo epocham Imperatorum, Pontificum, Indictionum in vsu non habuere Franci veteres: sed Regum inuicem succedentium annis dispuncta ad seculum Christi VIII discrimina temporum sunt. Quæ tamen computandi ratio ad annum chronicalem, vti Gregorius Turonensis infrà producendus appellat, ab auctoribus refertur, atque initio à Kalendis Ianuarij aut Christi nativitate sumpto, annis Iulianis cum Chronicis & Annalibus aliorum accommodatur. Quam ob rem aduertendum sedulò, qui vñsus auctorum sit: & an ad Kalendas Ianuarias, quæ initium regni præcedunt, an quæ illud proximè sequuntur, primum annum Regum conferant, maximè si regnare cœperint mensibus ab

vtroq; Ianuario lōgiūs disiunctis. Hinc sollicitē Idatius monet, vt suprà diximus, se annū eumdē scribere & Theodosij Magni vltimū & filiorum Arcadij & Honorij primum. estq; is annus Christi cccxcv Olybrio & Probinco Coss. Quem annum Imperio Theodosij integrum relinquunt Prosper, Orosius, Turonensis, atque ab anno sequenti imperium filiorum Arcadij & Honorij ordiuntur. Mortuus est fortassis Theodosius, si coniectura non fallit, xvi Iulij: habuitque de eo orationem S. Ambrosius xxiv Augusti, in quā testatur *affidente sa-  
crais altaribus Honorio Principe*, illius obitum *conclamatum esse*, iamque *quadragesimum diem celebratum*, quando *in honorum adhuc honore tumuli corpus Constantinopolim transmittebatur*: cui translationi impendendi superfuerunt dies lxxv, nec plures distantia locorum postulat, ad viii usque diem Nouembbris, quando corpus, Arcadio iusta paterno funeri soluentे, Constantinopoli sepultum fuisse tradit Socrates lib. 6 Histor. Eccl. cap. i. Apud hunc tamen, præter alia menda, quæ ad Vitam S. Sigeberti i Februarij pag. 215 notamus, vitiosè scriptum, obiisse xvi Ianuarij. Iulij arbitror vel scripsisse eum, vel scribere debuisse. Si quis tamen maius spatium temporis requirat, ad corpus Mediolano Constantinopolim deportandum, mensis per me licebit adiiciatur, dicaturque sub medium Iunij migrasse ē vitâ. Ita & ratio constabit, cur Idatius annum eumdem & patris vltimum & primum filiorum statuerit, quia dimidiā parte anni utriusque imperarint. Quibus autem magis Orosij, Prosperi, Gregorij, totum eum annum patri assignantium, calculus probabitur, ij quoque credibilius una nobiscum ducent, vt ille sexto aut etiam septimo mense decesse dicatur, quām sub medium primi mensis. Quis enim æquum esse censeat, vt xi menses ac dies xv imperarint filij, & tamen omne illud tempus

tempus patris iam mortui nomine celebretur signeturque?  
Capessuerunt illi quidem mox ab eius morte imperium,  
sed illud in horum scriptorum Fastis non nisi à Kalendis se-  
quentis Ianuarij illis imputatur.

In Prosperi Chronico *Arcadio IV & Honorio III Coss.* ad scri-  
ptus est horum Imperij annus primus, qui erat Ærae vulga-  
ri s cccxcvi. In Historiâ Gregorij Turon. lib. i cap. 45 *anno*  
*Imperij eorum secundo*, *Consules* ponuntur *Atticus & Cesa- rius*. Isest annus Christi cccxcvii, quo S. Martinus obiit, &  
quidem *anno etatis suæ octogesimo primo*, *Episcopatus autem vige- simo sexto*. Eos autem annos Julianis aptatos auspicatur is-  
scriptor à proximè sequente Ianuario. Quem morem obser-  
uare se testatur, vbi *sequitur & supputatur annus Chronicalis*.

Apud Francos Chlodoueo I, die xxvii Nouembris, anno  
1019, vitâ functo, filij regnū quadripartiti successerūt;  
sed ita ut eorū primus annus ab initio sequentis 10x inchoë-  
tur. Ex his portò Chlodouei filiis Chlotharius I mortuis fra-  
tribus monarchiâ postea assecutus est Francorum, decessit-  
que anno 101xi, cuius regnū inter quatuor filios diuisum,  
ita est, ut annus eorum primus apud Gregorium à sequente  
Ianuario numeretur. Ex his Sigebertus I Rex Austrasiorum  
apud eumdem Gregorium lib. 4 cap. 46 interemptus, obiit  
*anno regni sui XIV*, Christi 101xxv, eiusque filius Childebertus  
lib. 5. cap. 1 *vix lustro etatis uno peracto, die Dominici Natalis re- gnare coepit*. A quâ solennitate quia tunc Franci annum au-  
spicabantur, apud Marium Sigeberto per fraudem interfecto,  
*Childebertus suscepit regnum Indictione IX, anno Consulatus Iusti- ni junioris Augusti X*, Christi 101xxvi, qui Childeberti primus,  
integer S. Gunthramni Regis Burgundiæ & Chilperici, pa-  
truorum Childeberti, voluitur decimus quintus apud Grego-  
rium. Hinc lib. 5 cap. 26 horum annus xvii cum illius tertio

componitur, & cap. 28 illius quartus cum horum XVIII. Imò lib. 6 cap. 14 mensis Januarius anni VII Childeberti in patruorum XXI incidit. At lib. 9 memoratur dies IV Kalend. Decemb. anni XII Childeberti & XXVI Gunthramni.

Consensum cum annis Christi confirmant varij characteres, ad quorum normam chronologia alibi stabilienda est. Nam lib. 6 cap. 15 dies Dominicus pridie Kalend. Februarij est anno Childeberti VIII, Christi 10LXXXIII, cyclo Solis IV, littera Dominicali C. Lib. 4 capitibus 10 & 22 collatis, dies hebdomadae quartus, seu Mercurij, XVIII Kalendas mensis quinti, seu Iulij, anno Childeberti XV & Gunthramni XXIX, Christi 10XC, cyclo Solis XI, littera Dominicali A, quo die terrae motus contigit. Libro 10 cap. 1 Pelagio Papâ defuncto S. Gregorius eligitur anno Childeberti XV, Christi 10XC. Eiusdemque Gregorij annus V, ad calcem Historiae, est Childeberti XIX, Christi 10XCIV. Prætereà S. Radegundis Regina (vt scribit in eius Vitâ Bandomina, quæ morienti adstiterat) obiit quartâ feriâ manè Idibus Augusti: addit Gregorius, qui eius sepulturæ præfuit, lib. 8 cap. 43, & lib. 9 cap. 2 annum tunc fuisse Childeberti Regis XII, mensem VI, & XIII diem mensis: quæ annum Christi 10LXXXVII ostendunt fuisse, cyclo Solis VIII, littera Dominicali E. Eodem Gregorio teste lib. 5 cap. 17, anno II Childeberti, Christi 10LXXVII, dubetas Paschæ fuit. Nam cyclo Solis XXVI, littera Dominicali C, apud Turones multasq; Galliarum ciuitates Pascha celebratum fuit secundum Victorij canonem, XIV Kalendas Maias, cyclo Lunæ VIII: apud Hispanos verò secundum antiquorum Latinorum Canonem XII Kalendas Aprilis, ipso Æquinoctij die. Sed apud Italos secundum cylcum Lunæ Alexandrinum eo anno Pascha fuit VII Kalendas Maias: concurrentibus dicto anno in Dominicas XXI Martij, XVIII & XXV Aprilis. Simili modo lib. 10 cap. 23, anno Childeberti

*deberti xv & Gunthramni xxix, Christi 1090, Turonenses Pa-*  
*scha celebrarunt xxii, alij xv Lunā, hi vii Kalendas, illi iv No-*  
*nas Aprilis: qui dies cyclo Solis xi, litterā Dominicali A, in*  
*Dominicas conueniebant. Denique lib. 6 cap. 21 anno Chil-*  
*deberti vii, Chilperici & Gunthramni xxii, Christi 1088,*  
*Luna eclipsin passa est, & lib. 10 cap. 23 anno Childeberti xv,*  
*Gunthramni xxix, Christi 1090, sole eclipsin pertulit mense octauo,*  
*sive Octobri. Vtramque dictis annis eclipsin contigisse ac-*  
*curato calculo demonstrat Petaius de Doctrinā temporum*  
*lib. 8 pag. 850 & 852.*

Hæc placuit diffusiùs proponere, quæ qui scripsit, co-  
 rām spectauit S. Gregorius, Episcopus Turonensis factus  
 anno Christi 1088 aut initio sequentis, biennio ante re-  
 gnum Childeberti: vt lector agnoscat characteres è visce-  
 ribus historiæ erutos, quibus discrimina temporum inter-  
 nosci debent, & certis quasi palis terminisq[ue] affigi ac cir-  
 cumscribi: intelligatq[ue] non sufficere externum quempiam  
 annorum regni vniuscuiusq[ue] numerum, qui fallax est, stu-  
 piditati amanuensium, & fraudibus erroribusq[ue] variis sub-  
 iectus, vt suprà ex Reginone constat.

Demum anni variorum. Episcoporum aut Abbatum à  
 coæuis scriptoribus obseruati, magnam Chronologiæ con-  
 ferunt lucem, ac præclarè Epocham Regum stabiliunt. Cu-  
 ius rei exempla infrà damus.

### III Disci-

pli